

外臺祕要治聾

芥子搗碎以人乳調和綿裏塞耳差

楊氏產乳方療耳鳴無晝夜

烏頭燒作灰菖蒲等分爲末綿裏塞耳中日再用効

治耳爲百蟲雜物所入方第四十八

葛氏百蟲入耳

以好酒灌之起行自出

又方閉氣令人以蘆吹一耳

又方以桃葉塞兩耳立出

蜈蚣八耳

道藏輯要

肘後備急方

聖 盧集十一

以樹葉裏鹽灰令熱以掩耳冷復易立出

蚰蜒八耳

熬胡麻以葛囊貯枕之蟲聞香則自出

蟻八耳

炙猪脂香物安耳孔邊卽自出

神效方蚰蜒八耳

以牛酪灌滿耳蚰蜒卽出出當半銷若入腹中空腹食好酪  
一二升卽化爲黃水而出不盡更作服用手用神驗無比此方  
是近得

又方小鷄一隻去毛足以油煎令黃筋穿作孔枕之

又方取蚯蚓內葱葉中並化爲水滴入耳中蚰蜒亦化爲水矣  
附方

勝金方主百蟲入耳不出

以雞冠血滴入耳內卽出

又千金方搗韭汁灌耳中差

又方治耳中有物不可出

以麻繩剪令頭散傅好膠著耳中物上粘之令相著徐徐引  
之令出

又梅師方取車釭脂塗耳孔中自出

續十全方治蟲入耳

道藏輯要

肘後備急方

巽

虛集十一

秦椒末一錢醋半盞浸良久少少灌耳蟲自出

外臺祕要肘後治蟻入耳

燒鯪鯉甲末以水調灌之卽出

劉禹錫傳信方治蚰蜒入耳

以麻油作煎餅枕臥須臾蚰蜒自出而差李元清尚書在河  
陽日蚰蜒入耳無計可爲半月後腦中洪洪有聲腦悶不可  
飲至以頭自擊門柱奏疾狀危極因發御藥以療之無差者  
爲受苦不念生存忽有人獻此方乃愈

兵部手集治蚰蜒入耳

小蒜汁治一切蟲入耳皆同

錢相公篋中方治百節蚰蜒并蟻入耳

以苦醋注之起行卽出

聖惠方治飛蛾入耳

醬汁灌入耳卽出又擊銅器於耳傍

經驗方治水入耳

以薄荷汁點立効

治卒食噎不下方第四十九

葛氏方取少蜜含之卽立下

又方取老牛涎沫如棗核大置水中飲之終身不復思噎也

附方

道藏輯要

肘後備急方

聖

盧集十一

外臺祕要治噎

羚羊角屑一物多少自在末之飲服方寸七亦可以角摩噎

上頁

食醫心鏡治卒食噎

以陳皮一兩湯浸去穢焙爲末以水一大盞煎取半盞熱服

聖惠方治膈氣咽喉噎塞飲食不下

用碓嘴上細糠蜜丸彈子大非時含一丸嚥津

廣五行記云永徽中絳州僧病噎不下食告弟子吾死之後便

可開吾胷喉視有何物言終而卒弟子依言而開視胸中得

一物形似魚而有兩頭遍體是肉鱗弟子置器中跳躍不止